

A. Ibersetz as bersntolerisch de doin beirter. Tschèrl 5 beirter ont schraib vinf sòtzn.

- Ho cucinato – il forno – torneremo – la neve – lentamente – l'inverno – la pioggia – le biciclette – freddo – la giacca

B. Ibersetz as bersntolerisch de doin sòtzn.

1. Sarebbe bello abitare in città per non dover prendere sempre l'auto per andare al lavoro.
2. Non faccio mai colazione al mattino ma poi mi fermo sempre al bar con i colleghi a prendere un caffè.
3. Ieri siamo andati a pranzo al ristorante e non c'era neanche un posto libero perciò abbiamo dovuto aspettare mezz'ora.
4. Che buona la torta che hai preparato. Mi daresti la ricetta? Così la preparo anch'io oggi.
5. Che cosa avete fatto durante le ferie? Noi siamo andati via solo per qualche giorno e poi siamo rimasti a casa.

C. Paschraib der doi letrat pet mindestn 80 beirter.



D. Les de gschicht ont schraib de omportn.

Testo tratto da "Va Rumpltol en Kaneitsch"

Der Minele ont der burm

A vòrt hòt s gahòt an mònn a ont a baib as de Tingler: er hòt se gahoasn Minele ont si Mariadl.

Kinder hom se koa'na gahòt nèt.

Er ist gaben an miltn mònn ont si ist gaben a ker a zèch, de hòt en òlbe gabellt schòffen.

Ont ist en glaich nèt guat gòngen nicht. De hom gaòrbetn en de acker ont en de gartn en summer.

Dòra hom se gahòt kia, goas, hennen ont kunei: de sai' galep pet de mian va der sai' òrbet.

An schea'n to va herbest s Mariadl hòt tschlong en kibl. Hòt en innparootn schmòlz en korb ont hòt tschickt en Minele en Kaneitsch za verkaven s.

"Tua pahenn! Still de ninderst! Gahi' nèt as de birt! Hòlt e nèt au, pet nea'met! De muast kemmen za hèlven mer grom de patatn."

Ont er abia òlbe "Jo, jo....." Der Minele hòt en ganommen en sai' korb asn puckl ont hòt se enbiart ka plòttn nider. Benn as der ist a ker abaus gaben, hòt er gaheart bea'm ont rearn ont hòt se stillt za lisnen pesser. Ont dora hòt er bider nicht gaheart. Alura hòt er bider gatun zboa, drai tritt ont bider hòt er gaheart rearn ont bea'm ont riaven "Hilf mer!"

Alura hòt er se schea' umanònder tschauk ont hòt tschechen an burm semm zbischn zboa knottn, as er hòt nea'mer auser kennt. Der hòt se a ker gaglaimert, ma nèt za vil nèt, bavai der hòt se pforchtn van birm. Der burm hòt en òlbe pittn: "Heif en knott! Sichst as i tua me pòll derstecken?"

Ont nou "Ail, i pitt de! I kònn nea'mer aushòltn!"

Ont der Minele: "I pin nèt nòrret! Du pist schea' ont guat za paisn me, dòra benn as de pist vrai! "

"Na, na barst sechen as i gadencken tua. I verhoas der as i tua de nèt paisn! I tua abia de lait, de lait aa gadencken ont sai' dònckpor, a jo?" Der Minele as ist gaben an guatn mònn, pet de doin beirter, hòt er se galòkt anausong ont hòt en drauogaheift en knott za lònng vrai en burm.

Benn as der burm ist vrai gaben, hòt er en schubet embiart za belln paisn en Minele. "Ma pist nòrret? Bos tuast? Tuat men asou? De hòst kein as de tuast gadenken abia as tea' de lait tra sei." Ont der burm: "Prope asou tua e, vavai de lait tea' asou. Finz as de prauchen de, schaug se de u' ont hom se gearn. Ont dòra, benn as de prauchen de nea'mer, bèrven se de as a sait ont schaug se de nea'mer u'".

Ont de Minele: "Naaaaaa, dòs ist nèt bor nèt. Nèt òlla de lait sai' asou! I nèt, gabis! "

Ont der burm: "Jo òlla! I pin gabis, gea', lò me de paisn!"

- 1) Bos hom sa gatu' ver an òrbet der Minele ont s Mariadl ?
- 2) Bos hòt gamiast tea' der Minele ver sai' baib an to?
- 3) Bou ist er gaben der burm?
- 4) Bos hòt er en verhoasn der burm en Minele?
- 5) Abia sai' sa de lait?
- 6) Bos tanast du en plòtz van Minele?